

Cofnodion Cyfarfod Cyngor Cymuned Llanddeiniolen 7fed Chwefror 2023

Croeso ac Ymddiheuriad - Rhoddwyd Croeso gan y Cadeirydd, Emma Chappell a gair o weddi gan Idris Thomas

Presennol - Cadeirydd Emma Chappell ynghyd a'r Cynghorwyr, Elfed Wyn Williams, Jane Pierce, Elwyn Jones, Rhian Evans-Hill, Gareth Griffiths, Phyllis Ellis, Sasha Williams, Dawn Parry, Idris Thomas ac Elen George

Ymddiheuriadau - Lowri James, Richard Jones, Ynyr Parri

Datgan Buddiant - Dim

Cofnodion 10fed Ionawr 2023

Cafwyd y Cofnodion yn gywir:

Idris Thomas (1)

Gareth Griffiths (2)

Materion o'r Cofnodion

Cysgodfa'n Bws Brynrefail

Y clerch i gysylltu â chontractwr er mwyn trefnu i gyfarfod Elen George yno i weld sut allwn osod cysgod yn y blaen.

Gohebiaeth a Materion Eraill

Wal Fregus Dinorwig - Derbyniwyd e-bost gan aelod o'r cyhoedd oedd wedi cysylltu â Chyngor Gwynedd ynghlŷn â'r wâl rhwng Fron heulog a Hen ysgol Dinorwig ym mis Ionawr 2022. Ers hynny, mae wedi atgoffa'r Cyngor am y wâl fregus, ynghyd a gyrru 2 gwyn gan nad yw'r wâl wedi ei atgyweirio, a'r mater wedi ei gau ar wefan Cyngor Gwynedd.

Ar ôl dilyn i fyny ar hyn, mae'r mater bellach wedi ei ail agor eto. Mae'r Cyngor yn nodi mae'r tirlfeddiannwr sydd yn gyfrifol am y wâl ac yn cysylltu, gan fod y wâl yn beryg.

Cadeirydd.....

Clwb Ieuenctid Bethel - Cafwyd adroddiad byr o'r clwb Ieuenctid ym Methel gan Sasha. Mae ganddynt 60 o aelodau gyda rhyw 20 - 30 yn mynychu yn wythnosol. Mae yno awyrgylch braf yno gyda digon o weithgareddau gwahanol yn wythnosol. Mae pawb yn gyd dynnu, ac yn cymryd gofal o'r adeilad ac adnoddau. Maent wedi trefnu ambell drip megis Bowllo De gyn ystod y tymor, a hynny wedi bod yn llwyddiannus. Mae'r clwb ei hun yn dilyn ychydig broblemau yn y dechrau yn llwyddiant. Mae'r Cyngor Cymuned wedi cytuno i gyllido eto'r flwyddyn nesaf.

Clwb Ieuenctid Deiniolen - Anfonwyd adroddiad byr gan yr Arweinydd Richard Jones. Mae 261 o bresenoldeb wedi bod yn y nosweithiau o ddiwedd Medi hyd yn hyn. Mae hynny ar gyfartaledd o ryw 20 yr wythnos. Mae'r clwb wedi ei sefydlu yn gadarn eleni, gyda rhaglen amrywiol i gyd fynd a gwahanol ddathliadau'r calendr blyneddol. Fel ym Methel, maent wedi trefnu trio ar y cyd ac yn gyd weithio yn aml ar weithgareddau. Mae'r Ieuenctid yn hynod o ddiolchgar i'r Cyngor Cymuned am gyllido'r noson yma ar eu cyfer, gan fod Deiniolen yn un o'r pentrefi hynny, lle mae gwasanaeth bws gyda'r nos n amhosib i'w cludo i ardaloedd lle mae gweithgareddau eraill, a chan nad oes dim o fewn y pentref iddynt wneud na unman iddynt gyfarfod. Mae'r Cyngor Cymuned wedi ymrwymo i gyllido eto eleni.

Pwyllgor Pentre' Deiniolen - Mae'r pwyllgor wedi trefnu noson Gŵyl a Chân I ddathlu Dydd Gŵyl Dewi ar y 1af Fawrth yn Neuadd yr Ysgol. Maent hefyd wedi sefydlu cystadleuaeth flynyddol er Cof am y diweddar 'Gwil Tate'. Cystadleuaeth creu Darn o Gelf I ddathlu Gŵyl Ddewi I blant CA2 Ysgol Gwaun Gynfi. Mae'r pwyllgor hefyd wedi derbyn grant er mwyn agor caffi EB i bobl ymgynnull dros sgwrs a phaned. Dymunwn bob llwyddiant i'r pwyllgor ar eu gwaith yn ceisio adfywio'r pentref er lles y trigolion.

Apêl Eisteddfod Llyn ac Eifionydd - Fel y gwyddom, mae gwahanol bentrefi yn cynnal gweithgareddau er mwyn codi'r swm ein hardal yn Llanddeiniolen. Mae raffl fawr i'r plwyf yn cael ei drefnu, a gobeithir y bydd pawb yn cael y cyfle i brynu tocyn raffl er mwyn cyfrannu at ein hapêl. Mae modd hefyd cyfrannu yn uniongyrchol drwy gysylltu â Siân Harris, y trysorydd.

Cynllunio

Dyma'r ceisiadau a dderbyniwyd:

C23/0024/18/RA - Y Gaer Wen Llanrug Rhyddhau amodau i gais C22/0404/18/DT

C23 / 0014/18/DT - Ty'n Llidiart, Seion. Estyniad ac addasiad i'r eiddo

C23/0065/18/YA - Fferm Cefn Llan Codi Sied Amaethyddol.

Cadeirydd.....

Llwybrau

Mae'r Cyngor wedi derbyn sawl amcan bris am wahanol lwybrau i wella yn yr ardal. Y gobaith ydi i allu cyflawni hyn dros y flwyddyn nesaf nawr, yn enwedig yn ystod y gwanwyn a'r haf. Bydd mwy o wybodaeth i ddilyn ynglyn a pha lwybrau fydd yn cael eu gwella eleni. Y clerc i gysylltu yn gofyn pam nad yw contractwr lleol, (2) heb gael cynnig rhoi amcan bris am y gwaith.

Hefyd angen cysylltu i weld os ydi'r pileri llechi ar lwybr cefn Capel Cysegr yn ddiogel.

Sedd wag

Mae'r Cyngor Cymuned yn awyddus i ethol aelod Newydd I sedd wag ar y Cyngor Cymuned. Os oes rhywun a diddordeb, cysylltwch â'r clerc am fwy o fanylion.

Adroddiad Blynyddol ac Amserlen Hyfforddiant

Mae'r amser o'r flwyddyn, lle mae angen rhoi adroddiad blynyddol at ei gilydd. Roedd y Cyngor yn fodlon i'r clerc wneud hyn ar eu rhan fel llynedd. Cytunwyd I yrru am gyfieithiad Saesneg fel bod un ar gael ar y wefan.

Cytunodd bawb I Gareth Griffiths edrych dros hunan asesiad bawb ar hyfforddiant er mwyn creu dealltwriaeth o hyfforddiant sydd angen a chreu amserlen.

O Gwmpas y Bwrdd

Allt Sam - Tarmac sydd wedi ei roi i lenwi'r tyllau wedi dod i ffwrdd i gyd. Angen adfer y Gwaith ar frys.

Cae'r Foel, Dinorwig - Neb byth wedi clirio'r llanast sydd yno. Cysylltu yn ôl a gorfodaeth,.

Lleoliad I Hysbysfwrdd Brynrefail - Elwyn Jones I yrru cyswllt Bwrdd Rheoli'R Caban.

Cadarnhau Taliadau:

622 - £200

Bydd Cyfarfod nesaf ar y 7fed Fawrth

Cadeirydd.....